

# Monang o o tshwenyang

Ursula Nafula  
Setswana





Kong kong!  
Kong kong!



“Ke mang?”

Ka boletsa mo borokong.



“Ke nna,”  
ga araba lentswe le le kwa  
tlase.



“Ke mang, 'nna'?  
Ka botsa.



“Ke go boleletse,  
ke n-n-a f-e-l-a-,”  
lentswe le le la bua gape.



“Ga ke itse ope yo o  
bidiwang 'n-n-a-f-e-l-a',”  
ka araba.

Ka tlhola gore nete ya me  
ya montsane e ntse sentle  
mo bolaong.



“Leina la me ke Kepi.”

Lentswe le utlwala le  
tshosa ebile le le gaufi le  
tsebe ya me.





“Kepi ke mang?”  
Ka botsa ke ntse ke  
lebelela mo tlase ga nete.



“Kepi Monang,”  
lentswe la bua kwa  
bofelong.


Ka utlwa ke longwa mo  
tsebeng.



“Iyo!”

Ka tlolela godimo mme ka  
tshimolola go  
phuruphutsha.

“O tlile go duelela se!”  
Ka goa.



Ka go tenega, ka fologa mo  
bolaong mme ka tshuba  
lebhone.



Ka ipaakanyetsa ntwala e kgolo le Kepi Monang!

# Monang o o tshwenyang

Writer: Ursula Nafula

Illustration: Magriet Brink

Translated By: Lorato Trok

Language: Setswana



© African Storybook Initiative, 2016



This work is licensed under a Creative Commons Attribution  
(CC-BY 4.0) Version 4.0 International Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative